

**სახელმწიფო შესყიდვის შესახებ
ხელშეკრულება №101**

ერთის მხრივ, ა(ა)იპ „ტურისტული პროდუქტების განვითარების სააგენტო“ (შემდგომში „შემსყიდველი“) წარმოდგენილი დირექტორის მოვალეობის შემსრულებლის თამარ ხაბაძის და მეორეს მხრივ შპს „კრეატივ-ჯგუფი“-ს (შემდგომში „მიწოდებელი“), წარმოდგენილი დირექტორის თამაზ ბიჩინაშვილის სახით, „სახელმწიფო შესყიდვების შესახებ“ საქართველოს კანონის, საქართველოს მოქმედი კანონმდებლობისა და შპს „კრეატივ-ჯგუფი“-ს სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება №NAT220019608) (CPV კოდი - 79953000 - ფესტივალების ორგანიზება) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი და ღირებულება

- 1.1 შესყიდვის ობიექტია: შემოდგომის ფესტივალის „განდაგანა“-ს ორგანიზება ტექნიკური დავალების შესაბამისად.
- 1.2 შესყიდვის ობიექტის ოდენობა და ერთეულის ფასი მოცემულია ფასების ცხრილში (დანართი N1-ში), რომელიც წარმოადგენს ამ ხელშეკრულების განუყოფელ ნაწილს.
- 1.3. ხელშეკრულების საერთო ღირებულება შეადგენს 121 800 (ას ოცდაერთი ათას რვაასი) ლარს.
- 1.4. ხელშეკრულების საერთო ღირებულება მოიცავს მიწოდებლის ყველა ხარჯსა და საქართველოს კანონმდებლობით გათვალისწინებულ ყველა გადასახადს.
- 1.5. მიმწოდებელი ვალდებულია წინამდებარე ხელშეკრულებით და ამავე ხელშეკრულების №1 დანართით გათვალისწინებული ყველა პირობა შეათანხმოს შემსყიდველ ორგანიზაციასთან.

2. შესყიდვის ობიექტის ხარისხი და სტანდარტები

- 2.1. ხელშეკრულების ფარგლებში მიწოდებული შესყიდვის ობიექტი უნდა შეესაბამებოდეს ამ სფეროში არსებულ სტანდარტებსა და ტექნიკურ ნორმებს.
- 2.2. მიმწოდებელი იძლევა ვალდებულებას, რომ მიწოდებული შესყიდვის ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 2.3. იმ შემთხვევაში, თუ მიწოდებული შესყიდვის ობიექტის ხარისხი ვერ აკმაყოფილებს შემსყიდველის მოთხოვნებს, მას უფლება აქვს უარი განაცხადოს უხარისხო მიწოდებული შესყიდვის ობიექტის მიღებაზე.

3. მხარეთა ვალდებულებები

3.1. მიმწოდებელი ვალდებულია:

1. შესყიდვის ობიექტის მოწოდება უზრუნველყოს ფასების ცხრილის - დანართი N1-ისა და სატენდერო დოკუმენტაციის 1.2 პუნქტში წარმოდგენილი პრეზენტაციის შესაბამისად, დანართებში აღნიშნული ყველა პირობის დაცვით.
2. ჩასატარებელი ღონისძიების პროგრამა, თეატრალური მსვლელობები, წინასწარ შემუშავებული უნდა იქნას რეჟისორის მიერ;
3. ღონისძიების მთლიანი ტერიტორია ევროპის მოედანი და მემედ აბაშიძისა და დუმბაძს ქუჩები უნდა გაფორმდეს პროფესიონალი დეკორატორების მიერ;
17. ღონისძიების ორგანიზებასთან დაკავშირებული ყველა დეტალი, მათ შორის ტექნიკური მხარე შეთანხმებული უნდა იყოს შემსყიდველ ორგანიზაციასთან.

3.2. შემსყიდველი ვალდებულია:

- ა) გადაუხადოს მიმწოდებელს წინამდებარე ხელშეკრულებით გათვალისწინებული ფაქტობრივად გაწეული მომსახურების საფასური.
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

4. ხელშეკრულების შესრულების კონტროლი

4.1. შემსყიდველს ან მის წარმომადგენლებს საჭიროების შემთხვევაში უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

4.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3. ხელშეკრულების 3.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს:

- ა) ანო დოლიძე - ტურისტული პროდუქტებისა და სერვისების განყოფილების უფროსი;
- ბ) იურა ბაბაიანი - ტურისტული პროდუქტებისა და სერვისების განყოფილების სპეციალისტი;
- გ) ჯემალ ჭელიძე - ტურისტული პროდუქტებისა და სერვისების განყოფილების სპეციალისტი,
- დ) ინგა ცინცაძე - ტურისტული პროდუქტებისა და სერვისების განყოფილების სპეციალისტი.

5. მომსახურების გაწევის ვადები

5.1. ფესტივალის ჩატარების თარიღია 2022 წლის 29 ოქტომბერი, 1 დღე. (ფესტივალი შეიძლება გადატანილ იქნას რამდენიმე დღით ადრე ან გვიან, ამინდის გათვალისწინებით).

6. მომსახურების მიღება-ჩაბარების წესი

6.1. მომსახურების მიღება-ჩაბარება განხორციელდება ფაქტობრივად გაწეული მომსახურების შემდეგ, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის, ან/და საგადასახადო ანგარიშ-ფაქტურის (სასაქონლო ზედნადების) გაფორმებით.

6.2. შემსყიდველის მხრიდან მომსახურების მიღება-ჩაბარების აქტზე ხელმოწერი პირ(ებ)ია:

- ა) ანო დოლიძე - ტურისტული პროდუქტებისა და სერვისების განყოფილების უფროსი;
- ბ) იურა ბაბაიანი - ტურისტული პროდუქტებისა და სერვისების განყოფილების სპეციალისტი;
- გ) ჯემალ ჭელიძე - ტურისტული პროდუქტებისა და სერვისების განყოფილების სპეციალისტი,
- დ) ინგა ცინცაძე - ტურისტული პროდუქტებისა და სერვისების განყოფილების სპეციალისტი.

7. ანგარიშსწორება

7.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

7.2. ანგარიშსწორება მოხდება უნაღდო ანგარიშსწორებით ლარში.

7.3. ანგარიშსწორება მოხდება მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

7.4. მიმწოდებელთან ანგარიშსწორება განხორციელდება ფაქტობრივად გაწეული მომსახურების შესაბამისად.

8. ფასები

8.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

8.2. ხელშეკრულების ღირებულებით პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

8.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

8.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი

ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ის ზე მეტი ოდენობის გაზრდა.

9. ხელშეკრულებაში ცვლილებების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია არანაკლებ 5 კალენდარული დღით ადრე წერილობით შეატყობინოს მეორე მხარეს შესაბამისი ინფორმაცია.

9.3. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება კანონმდებლობით დადგენილი წესით.

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად შეწყვეტოს ხელშეკრულება, მოქმედი კანონმდებლობით დადგენილი წესითა და პირობებით.

9.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. უფლებების გადაცემა

10.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

11. ხელშეკრულების პირობების შეუსრულებლობა

11.1. თუ მიმწოდებელი არ ასრულებს თავის ვალდებულებებს, ხელშეკრულებაში მითითებულ ვადებში, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.

11.2. თუ მიმწოდებელი არ ასრულებს ხელშეკრულებით გათვალისწინებულ პირობებს, მაშინ მას დაეკისრება პირგასამტეხლოს გადახდა სახელშეკრულებო ღირებულების 0,1 %-ის ოდენობით ყოველ ვადაგადაცილებულ დღეზე.

11.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, ამ ხელშეკრულების მოქმედება ვადამდე შეწყდება.

11.4. თუ „შემსრულებლის“ მხრიდან სახეზეა ვალდებულების ან მისი ნაწილის არაჯეროვანი შესრულება ან შეუსრულებლობა, გარდა ვადის გადაცილების შემთხვევებისა, და შემსრულებლისთვის დამატებითი ვადა გასულია ან მის განსაზღვრას აზრი არ აქვს, შემსრულებელს დაეკისრება ჯარიმის გადახდა ხელშეკრულების შეუსრულებელი ვალდებულების ღირებულების 10 %-ის ოდენობით.

12. ფორს-მაჟორი

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული

შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგანიზაციის.

13.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

14. სხვა პირობები

14.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2. მესამე პირთან ურთიერთობაში მხარეები მოქმედებენ სახელით, ხარჯებითა და რისკით.

14.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი ეგზემპლარი - მიმწოდებელს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. ხელშეკრულების მოქმედების ვადა

15.1. წინამდებარე ხელშეკრულება ძალაშია მხარეების მიერ მისი ხელმოწერის თარიღიდან და მოქმედებს 2022 წლის 31 დეკემბრის ჩათვლით.

16. მხარეთა იურიდიული მისამართები და რეკვიზიტები

ა(ა)იპ „ტურისტული პროდუქტების განვითარების სააგენტო“	შპს კრეატივ-ჯგუფი
მის: ქ. ბათუმი, ფარნავაზ მეფის ქ. N84/86	მის. ქ. ბათუმი, თავდადებულის 11
საიდენტიფიკაციო კოდი: 445388054	საიდენტიფიკაციო კოდი: 424613252
საქართველოს ფინანსთა სამინისტროს სახაზინო საწარმო	საბანკო რეკვიზიტები: საქართველოს ბანკი
ბანკის კოდი - TRESGE22	ბანკის კოდი - BAGAGE22
ა/ა № - GE24NB0330100200165022	GE63BG0000000162718243
დირექტორის მოვალეობის შემსრულებელი	დირექტორი
_____ თამარ ხაბაძე	_____ თამაზ ბიჩინაშვილი

ფასების ცხრილი

დასახელება	აღწერა	რაოდენობა	ერთეულის ღირებულება (ლარი)	ჯამური ღირებულება (ლარი)
1. კვების ობიექტების ჯიხურების და დახლების მოწყობა მეწარმეებისთვის	კვების ობიექტებისთვის ხის ჯიხურების უზრუნველყოფა. ზომა 2.5*2 ჯიხური აღჭურვილი უნდა იყოს ელექტრო გაყვანილობებით. ჯიხური უნდა გაფორმდეს ღონისძიების თემატური დეკორაციებით.	4	1500	6000
	დახლების მოწყობა მეწარმეებისათვის პროდუქციისა და სხვადასხვა ნივთისა და მასალის რეალიზაციისათვის. დახლები უნდა იყოს ხის მასალის, დახლი უნდა იყოს გადახურული წყალგაუმტარი ნაჭრისგან, მოწესრიგებული და დეკორირებული სოფლის თემატიკით. ასევე მნიშვნელოვანია დახლები იყოს პრაქტიკული მეწარმისთვის, ჰქონდეს საკმარისი სივრცე და სათავსო პროდუქციისათვის. დახლს უნდა ჰქონდეს ხის შავი დაფა, რომელზეც ცარცით დაიწერება მეწარმის ან პროდუქტის დასახელება. დახლებისთვის ინდივიდუალურად ხის სკამებისა და განათების უზრუნველყოფა დახლის ზომა 1,80*0,6	50	120	6000
2. თეატრალური მსვლელობები	თეატრალური მსვლელობების უზრუნველყოფა. არანაკლებ 20 მსახიობი; კოსტიუმების დიზაინის მომზადება და შეკერვა. თეატრალური წარმოდგენისთვის რეჟისორის უზრუნველყოფა თეატრალიზირებული შოუ უნდა მოიცავდეს - ქუჩებში მსვლელობებს, სპექტაკლებს, პანტომიმებს. სცენარი შეთანხმებით.	1	12000	12000
3. სახალისო შეჯიბრებების ორგანიზება შემსყიდველთან შეთანხმებით წინასწარ გაწერილი სცენარის მიხედვით, სხვადასხვა თემატური გასართობი შეჯიბრებების 3 შეჯიბრების ერთ დღეს) ორგანიზება უფროსებისათვის . შეჯიბრებებისთვის საჭირო ტექნიკური, მატერიალური, ადამიანური და სხვა რესურსით (ანიმატორი, მიკროფონები და სხვა) უზრუნველყოფა. გამარჯვებული გუნდის დასაჩუქრება თითო-თითო ბოთლის ღვინოთი.	1. კულინარიული შეჯიბრებები (ჯგუფური შეჯიბრება, რისთვისაც საჭირო იქნება მაგიდები, გაზქურები, ინგრედიენტები) - შეჯიბრების მსვლელობა უნდა მოხდეს წამყვანის საშუალებით. დავალება უნდა გასცეს წამყვანმა. კულინარიული შეჯიბრების სცენარის გაწერა უნდა მოხდეს რეჟისორის დახმარებით. 2. სიმინდის დაფშნაში შეჯიბრება, ისე გუნდურად. 3. ღვინის საწნახელში დაწურვის პროცესის ჩვენება (130 კგ. ყურძენი, რეზინის ბოტები (8 ცალი). სცენარის რეჟისორთან შეთანხმებით.	3 შეჯიბრება	1500	4500
4. საბავშვო აქტივობები და კუთხეები	საბავშვო კუთხის მოწყობა (მაგ. თივის ლაბირინთი, ქვიშის მოედანი; თივის ტუკებისაგან საბავშვო სასრიალოს მოწყობა და ა.შ.) და დეკორირება. გასართობი თამაშების დაგეგმვა და უზრუნველყოფა. საბავშვო პროგრამა არანაკლებ 3 საათისა . თამაშებისათვის საჭირო ტექნიკური, მატერიალური, ადამიანური და სხვა რესურსით (ანიმატორი, მიკროფონები და სხვა) უზრუნველყოფა. თოჯინის თეატრის წარმოდგენის უზრუნველყოფა. საბავშვო კუთხე უნდა შემოისაზღვროს ხის დეკორატიული ღობით	საბავშვო კუთხე	8000	8000

5. ღონისძიების მნიშვნელოვანი და მასშტაბური დეკორაცია - აღნიშნული დეკორაციები უნდა მოეწყოს ეფექტურად და მუდმივად ხდებოდეს მისი განახლება. მთავარი დეკორაციების დიზაინი და ლოკაციები უნდა შეთანხმდეს შემსყიდველთან.	აჭარული სოფლის მასიური დეკორაციის მონტაჟი, ოდა სახლი, ნალია. დეკორაცია უნდა იყოს 40 მ2 ფართის. მისი მონტაჟი, გაფორმება, დემონტაჟი. მასიური დეკორაციის მონტაჟი დასრულებული უნდა იყოს ღონისძიებამდე მასიური დეკორაციის დეტალები შემსყიდველთან შეთანხმებით. და ამ კონსტრუქციებისთვის საჭირო დეკორაციული რეკვიზიტები (წიწკები, ზაფრანები, გოგორები, ჭურჭელი) მაქსიმალურად რო იყოს დატვირთული და რეალობასთან ახლოს.	1	13000	13000
	სივრცითი დეკორაცია: აბაშიძის ქუჩაზე და ევროპის მოედანზე. ზომებზე (4მეტრიანი) გაკიდული დროშები (ორმეტრიანი). იხ. დანართი	50	200	10000
	სივრცითი დეკორაცია აბაშიძის ქუჩაზე და ევროპის მოედანზე ტორსებზე გაბმული მაქმანებიანი ნაჭრები. იხ. დანართი		12000	12000
	მასიური და ეფექტური თაღი (დიზაინი შემსყიდველთან შეთანხმებით).	1	3500	3500
	ევროპის მოედანზე შესასველი კორიდორი, დაახ. 8 ერთეული 4 მეტრიანი ლაითბოქსები. ლაითბოქსის განათების უზრუნველყოფა	8	700	5600
	ფოტო-კონსტრუქცია: 1. ზარფანების სივრცე იხ. დანართი	1	2500	2500
	ფოტო-ზონების მოწყობა შესაბამისი, თემატური დეკორაციებით, ფოტოკუთხეები მოწყობილი და გაფორმებული დაგანათებული უნდა იყოს ისე რომ შესაძლებელი იყოს ფოტოს გადაღება დღისითაც და ღამითაც (ტუკების სივრცე, თივების სივრცე, ზვინი, ყვავილების სივრცე, ხილის სივრცე, ხალიჩების სივრცე). ფერადი ყვავილების მასშტაბური დეკორაცია ურემზე. ყვავილებს დეკორაცია უნდა იყოს მასშტაბური, ფერადი და ეფექტური.	4	1000	4000
	ფოტო-კუთხეები: სამკედლიანი თემატური ზონები იხ. დანართი	1	1500	1500
	ნიშნულები: ხის ნიშნულები 3D ეფექტით (რჩება შემსყიდველთან). სიმაღლე: 2 მეტრი, მანიშნებელი (5).	5	340	1700
6. კვების ზონა	ხის ღობე (სიმაღლე არანაკლებ 1, მეტრი, სიგრძე 300 მ). მოწყობილი უნდა იყოს ღონისძიებამდე 1 დღით ადრე	300 მეტრი	15	4500
	კვების ბლოკი (ორი ბლოკი) უნდა იყოს - 3 მეტრი სიმაღლისა და დაახ 60 კვ.მ ფართის ხის კონსტრუქციის განათებული და გაფორმებული სხვადასხვა თემატური დეკორაციებით. ერთიან კვების სივრცეში დალაგებული უნდა იყოს მაგიდა და სკამებით. მაგიდები გაფორმებული უნდა იყოს მასიური ცოცხალი ყვავილებით. თემატური ჭალები. იხ. დანართი	2	3000	6000
	კვების ბლოკი ტუკებით (ტუკებით უნდა შეიქმნას მაგიდები და დასაჯდომი სკამები). იხ. დანართი	150	20	3000
7. პროდუქტების დეგუსტაციის სივრცე დახლები, სკამები, განათებები, ურნები	1. ღვინის კუთხე 2. ხილის და ტკბილეულის კუთხე 3. რძის პროდუქტები კუთხის უზრუნველყოფა მაცივრებით (არანაკლებ 3 მაცივარი) 4. თაფლის კუთხე 5. ციტრუსები და წველების კუთხე 6. ლუდი 7. თონე (ღონისძიების მსვლელობისას მუდმივად პურის გამოცხობის უზრუნველყოფა)	20 დახლი	120	2400

8. დასაბეჭდი მასალა	წინსაფრები	100	30	3000
	მაისურები ან ნაჭრის დაბრუნდილი ჩანთები	200	27	5400
	სცენის ფეხების და გვერდების გასაფორმებელი ბანერის დამზადება, ბეჭდვა-გაკვრა და განთავსება, მონტაჟი დემონტაჟი, ბანერი არანაკლებ 20 მ2. ბანერების ზომები დაზუსტდება სცენის ზომების შესაბამისად.	20 კვ.მ	25	500
9. დენის წყაროთი და მხატვრული განთებით უზრუნველყოფა	ლონისძიების განმავლობაში ყველა კუთხის დენის წყაროთი უზრუნველყოფა, საჭირო რაოდენობის ელექტრო სადენებით; ავტომატებით და საჭირო ელექტრო საქონელით უზრუნველყოფა. ლონისძიების მსვლელობისას მოხმარებული ელექტრო ენერგიის საფასურის გადახდა უნდა მოახდინოს მიმწოდებელმა. ელექტრო გაყვანილობების მონტაჟი დასრულებული უნდ იყოს ლონისძიებამდე ერთი დღით ადრე	2 დღე	2000	4000
10. ნაგვის ურნები და დალაგება - დასუფთავება	ფესტივალის ჩატარების ტერიტორიის ნაგვის ურნებითა და პოლიეთილენის პარკებით უზრუნველყოფა 5 კგ-იანი მოცულობის 15 ც	15 ცალი	20	300
	ფესტივალის მიმდინარეობისას მუდმივი დალაგების პროცესის უზრუნველყოფა (4 დამლაგებელი, დამლაგებლებმა უნდა დაასუფთავონ კვების სივრცეები და მაგიდებიც, უნდა მოხდეს ტერიტორიის დასუფთავება ლონისძიების შემდეგ, ტერიტორიიდან ნაგვის პერიოდულად გატანის საკითხს და დამათებით დიდი ზომის ურნების დადგმის საკითხს მოაგვარებს შემსყიდველი.	4	200	800
11. დაცვის სამსახური	ლონისძიების დამატებითი დაცვის 24 საათიანი სამსახურით უზრუნველყოფა. 8 დაცვის თანამშრომელი ორი დღის განმავლობაში (ზოგადი უსაფრთხოების დაცვის საკითხებს საპატრულო სამსახურთან უზრუნველყოფს შემსყიდველი). დაცვის სამსახური ტერიტორიაზე უნდა განთავსდეს ლონისძიების წინა დღით	8	200	1600
ჯამური ღირებულება დღგ-ის გათვალისწინებით				121800

ა(ა)იპ „ტურისტული პროდუქტების
განვითარების სააგენტო“

შპს „კრეატივ-ჯგუფი“

დირექტორის მოვალეობის შემსრულებელი:

თამარ ხაბაძე

დირექტორი: თამაზ ბიჩინაშვილი